



Publicaziuns dalla vischnaunca, jamna 41

Votaziuns communalas, elecziuns dil cussegl naziunal e dil cussegl dils stans

L'urna principala en casa communalas ei aviarta sco suonda:

Sonda, 17-10-2015 18.30–19.30

Dumengia, 18-10-2015 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 16 d'october 2015, allas 17.00** tier l'administraziun communalas (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vos haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vos tarmetter cun posta (**supplicau da francar**) ni directamein fierer en la scaffa da brevs dalla casa communalas.

Ils cedels da votar ston esser sil pli tard la sonda, ils 17 d'october 2015 allas 12.00 tier l'administraziun communalas. Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla.**

Suprastonza communalas

Damonda da baghegiar

2015-1037.000

Datum dalla publicaziun: ils 9 d'october 2015

Il patron: Urs ed Anita Zäh-Seiler, Sonneggstrasse 50, 8006 Turitg

Il representant: aluis huonder architect fh sia sa, Via da scola 18, 7180 Disentis/Mustér

Object: Sanaziun dil tetg, novas finiastras ella fatschada nord e sid, terrassa nova, baghetg annex (clavau) parcella 722, Via Lucmagn 3, 7180 Disentis/Mustér

- Ils plans da construcziun ein deponi tier l'administraziun communalas.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 7 d'october 2015

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 9 d'october 2015 allas 20.15** en casa communalas.

Tractandas:

1. Protocol nr. 23-2013/2016
2. Analisa dallas finanzas communalas (messadi nr. 32-2013/2016)
3. Ura da damondas (conform ad art. 44 dil regulativ da fatschentas)

Il president dil cussegl da vischnaunca



Cussegl da vischnaunca

Il cussegl da vischnaunca seraduna **venderdis, ils 9 d'october 2015 allas 20.15** en casa communal.

Tractandas:

1. Protocol nr. 23-2013/2016
2. Analisa dallas finanzas communalas (messadi nr. 32-2013/2016)
3. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Parcadi sutterran a Sogn Gions

Affittaziun

El sutterran dil center da sanadad Puntreis dispona la vischnaunca da 13 parcadis. Quels san vegnir affittai permanentamein. Actualmein stattan aunc a disposiziun entgins parcadis. La suprazonza communal ha da niev fixau il tscheins meinsil d'affittaziun a frs. 120.–. Ils parcadis san vegnir affittai naven d'immediat ni tenor curvegnientscha.

Interessents che giavischan d'affittar in parcadi ein envidai d'annunziar lur interess a scret agl uffeci da baghegiar, caum postal 57, 7180 Disentis/Mustér ni per e-mail: baghegiar@disentis.ch

Suprazonza communal

Rimnada da pupi

Venderdis, ils 9-10-2015

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds paccs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjarnas (16.00–17.30 e sondas (10.00–12.00).

Bien engraziament per Vies agid e sustegn!

Scolas Mustér, Ch. Berger

Colonna d'agid Mustér

Cuors da reiver per affons

Gia dapi biars onns oganisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau duront 8 mesjarnas sera in cuors da reiver per affons dalla 2. entochen 5. classa.

Liug: halla da reiver el Center da sport e cultura, Mustér

Entschatta: mesjamna, ils 28-10-2015 entochen miez december 2015 2. entochen 5. classa, 17.30–19.00

Menaders: commembers dalla Colonna d'agid Mustér cun brevet giuventetgna + sport

Annunzias: entochen gliendisdis, ils 26-10-2015 alla Colonna d'agid Mustér, Andri Hendry (tel. 081 947 62 02 ni e-mail: fam.hendry@bluewin.ch).

Segirada ei caussa da mintga participontA.

Colonna d'agid Mustér

Cuors da homeopatia per animals

Mardis, ils 27 d'october 2015

Homeopatia per animals – ina alternativa per antibiotica



- homeopatia entuorn e duront la naschienscha
 - tractament da fuera e grippa tier animals giuvens
 - tractament dad inflamaziun digl iver
 - discussiun e brat d'experiences fatgas
- Menader dil cuors: Veterinari dr. med. Erwin Vincenz
Uras: allas 9.00–12.00/13.00–15.00

Il cuors ha liug el Center sursilvan d'agricultura a Mustér. Bugen prendein encunter Vossa annunzia entochen ils 15 d'october 2015 sut info@agricultura.ch ni tel. 081 936 48 00.

Staziun d'anugls Disentis/Mustér

Radunonza Staziun d'anugls Disentis/Mustér ils 16-10-15 a Disla uustria «Fravia» allas 20.15.

La suprastonza

Punctaziun d'anugls, sonda, ils 10 d'october 2015 allas 8.30 a Trun.

*Per la suprastonza,
Flepp Tini*

Uniun samaritana Mustér

Repetiziun BLS-AED

Gliendisdis, ils 19 d'october 2015 alls 19.00–22.00 en casa da scola Mustér, local samaritan. Quella repetiziun ha liug per in e scadin che ha frequentau il cuors fundamental BLS-AED. Buca commembers da noss'uniun pagan ina mudesta contribuziun da frs. 20.– ed ein supplicai da s'annunziar tier: Yvonne Flepp-Venzin, tel. 08 947 50 35 ni 078 839 06 99, yvonne.flepp@kns.ch

Cordiala invitaziun
Uniun samaritana Mustér
